

企齋集

共八本

^ 16
2412
6



企齋文集卷之二

碑銘 墓誌

貞夫人沈氏墓誌銘

豐山之沈爲大姓略其遠而論其世則有諱
 胄而官贈吏曹叅判者夫人之曾皇祖也是
 生皇祖諱實官至通訓大夫豐德郡事實生
 諱光弼官至通訓大夫永興大都護府判官
 判官娶宗室楊津正諱信之女生夫人其貞
 明淑善之姿早聞於人時之擇善配者咸造
 焉竟歸於金氏盈門之慶爛如也卿之諱曰



麟孫旣得賢助聲譽日洽舉己巳第歷敷華
秩今爲資憲大夫知敦寧府事夫人亦得封
爵曰貞夫人性溫順仁慈事舅姑至孝處兄
弟甚穆餘事女紅宗黨稱之嘗產二男皆不
得有在弘治癸酉夏輿疾浴于溫陽之湯井卒
于井室享年三十有二嗟乎女中顏淵之壽
也天之報施善人何如也是年冬十月葬于
稷山之三韓里從先塋禮也知事公後娶僉
正閔某之女亦無兒取母弟龜孫之第三子
秀傑爲後奉祀事焉光漢於夫人姻族而於

知事公友也宜爲是銘用表于墓而顯于世
銘曰

貞而溫玉之質也儷而顯君子之匹也
齋者命歸則一也

節婦金氏旌表誌

夫人姓金氏家世臨瀛處而賢有行及爲崔
氏婦孝事親順事夫性喜酒好士初不事
產業夫人舟游匍匐卒歲無難色一日夫病
且死諸孤幼夫人獨抱其屍連日夜知不可
復甦則欲以身殉或以母在堂勉之乃止

塋之日手製一副衣置斷髮實棺血指染柩以志同穴且為酒埋之延側曰此吾夫平日所嘗喜九原孰為供此者仍氣絕久而乃甦雖至服闋齋梳洗未嘗見齒常著汗澤遺衣宜調手味朝夕供奠一如平生每遇霜露起視墓木幽咽不自勝便具奠往哭如是者十餘年乃至子亡李公元儉牧臨瀛上其事有命旋問李公耘伐山石將立表未就朴公認葬之於此益見夫人之節行信於人者深也况某於夫人之子益齡同年而友也頗

詳事終始敢不道揚其實以示無窮嗚呼立此表者金氏之里也過者式之

工曹參議申公墓碣

木之枝大者葉茂水之源深者流遠人之德厚者其後繁是固理之必然吾於吾之家世也益驗矣公吾從父兄也高靈之申著自始祖成用歷四世至德隣俱以文科顯高祖諱包翹始仕我朝為工曹參議曾祖諱樞工曹左叅判祖諱叔舟議政府領議政四叅勳盟功在宗社封高靈府院君贈謚文忠

公吾先考兄弟八人公之考諱浚第居五少
捷上科起家至兵曹參知再參勳盟封高陽
府院君 贈諡怡安公怡安娶判官柳秀昌
之女以天順甲申生公諱復淳字淳之生而
穎悟雖長於富貴之中頗意學業能屬文善
楷書屢舉不中甲寅秋以門蔭初補義禁府
都事授中部主簿未幾陞司憲府監察選拜
掌隸院司評英明所照兩造稱平陞秩為宗
親府典簿遷戶曹正郎官任重非兩科而
與是遷者必有才望公之為是職也物論洽

然咸稱其有幹陞尚衣院僉正又陞司膳寺
副正皆有見績遂拜掌樂正是為上士復移
尚衣院正乙丑春因有祀事執事者皆加階
公特受通政是為下大夫之秩也丙寅秋今
上即位參原從功一等拜工曹參議尋授折
衝將軍僉知中樞府事又兼司僕將己巳丁
內艱服闋拜護軍出刺永興府又牧黃州皆
以病辭渡刺富平安邊兩府所至多遺愛民
之思之久而不衰由是得循吏名公之牧驪州
也某罷官于朝依以為眠親仁民之政目

見而身霑益服公之為人此實錄也因病徑
逋後又刺淮陽春川仁川三府入爲副護軍
兼五衛將出牧坡州公作州府凡九其莅事
勤居家儉子民仁考績成最殆古之所謂善
人者與牧坡以來積勞成瘁移病就第然朝
廷優以功勳之後使不絕其祿以至於終其
卒也壽七十有八亦可謂能繼其世德者與
公娶上護軍李郁昌之女生男四女三夫人
之亡先公四十七年男女咸在幼稚公竟不
娶側室亦有男女曰泳曰濯曰冽曰滉皆嫡

出也泳司憲府監察濯副司果冽定略將軍
滉擢庚辰武科任陽川縣令而遭公喪禹舜
隣金洙李璟各有爵三嫡婿也泳有子二女
一長曰碩汀次曰碩深女適叅奉柳大臨碩
汀奉公祀濯生二男一女長曰碩淪次曰碩
淮女適生負成修金洙有三男麟佑麟輔麟
弼一女適金認李璟生四男彥訥彥默彥愚
彥魯女適安公敏次女幼碩汀有子曰端內
外曾孫甚衆端宗故書曰渾曰漬側產也皆
爲觀象監直長善術業有子女而不書者略

之也

差乎視公之履而知其善，由而福之而至於枝繁而條遠，茲豈偶然耶？是為銘。

元生墓誌銘

公姓元諱允祖字繼翁原州人高麗時有名弘弼者官至門下侍中其後五世而有諱晃仕我朝為刑曹都官正郎追贈吏曹判書兼藝文館大提學封原山君於公為曾祖晃生孝而嘗作陰城縣監追贈刑曹參判孝而生仲穉禦侮將軍忠武衛副護軍仲穉娶宗室德

川君厚生之女以其年月日生公生而穎異力學業謂將振元氏之宗志未就而卒早夭年未及顏淵者四歲人咸嘆惜莫知天定命所在初公之伯叔父仲穉無嗣擇諸猶子之賢者以公為後公善屬文頗有名稱同州有鉅族訓練院習讀李伯欽妻之以女是生二男一女男長曰宗直亦無嗣次曰宗吉舉戊子進士娶直長邊吳孫女生三男三女公有一女絕愛之擇其所與對者適令廣州收任弼亨生二女而卒宗吉之三子曰永思娶元希

恭女生一子曰永慕娶李安民女亦生一子
皆幼曰永世嗣宗直之後是為宗女長適李
獻芹生一男二女皆在幼次二女時未笄李
夫人享以壽七十八歲而終與公同兆於其
塋也廣牧任君請予文願列公之行上及譜
系下達支裔以誌墓石或使知公之嚴此世
守而勿毀云銘曰

謂公為壽公乃夭壽謂公不實公竟有後
雖曰莫知其定命無亦謂之不厚

贈判書尹公神道碑銘

茂松有大姓尹氏其遠祖及第良庇生二子
長曰諧次曰誼諧職政堂文學誼職司憲府
掌令公誼之後也公諱激字公之高祖進
賢館直提學諱登實誼之出登生監察持平
諱湜是公曾祖湜生知安城郡事諱忠輔是
公皇祖郡事於國初以秩滿進拜判軍器寺
事不就娶光陽府院君李茂芳之女生司諫
院右正言知製教諱彌堅是公皇考正言
娶議政府左議政文敬公許稠之女生公之
資品恬靜氣度溫雅人未嘗見其有疾言遽

色是雖曰質美之就蓋得於家庭者為多性
又聰敏善解音律初以門蔭補五衛部將
成廟朝叅錄原從功成化乙未拜司醞署主
簿丙申陞授洪州判官吏民畏愛之遭內艱
服闋除右道水運判官轉運無關所歷皆有
聲績戊午出守寧遠郡兼本鎮兵馬僉節制
使邊氓賴以樂業公勤慕文敬公清德靡有
營為及來京師無屋可居就驪陽別墅以疾
終享年七十五娶朴氏諱粹信之女為配即
新羅始祖赫居世之裔也有賢德生四男一

女年六十一先公率公之塋也合兆于驪之
大松里楮田之原四男長曰思弼有二子曰
璞別坐曰瓘生貞次曰思佑司饗院主簿有
一女適叅奉南昱次曰思任登乙亥武科又
登丙子重試以訓練正今陞為折衝將軍次
曰思翼登甲戌明經科中廟朝特褒清白今
為正憲大夫工曹判書贈及三世公贈視判
書祖贈叅判曾祖贈承旨今上即位之初
又叅原從功追爵父母贈公云之母夫人爵
貞敬茲所謂顯及父母者乎判書有子曰王

登庚子科累遷司憲府持平今為之女之婿
曰李重慶藝文館檢閱判書之姊適禹績者
生二女長婿曰權誠次曰柳寧長孫璞有二
女一適佐郎韓智源一幼瓘有二子一女長
日之瑞次日之亨進士女適主簿曹大健南
昱有四女一男長適正郎閔春蘭次適李惟
璦次適辛應宗次適權荃男幼權誠有一女
適奉事李臯柳寧有三男一女皆幼持平王
有一女檢閱重慶有一了亦皆幼嗚呼慶之
流於後也其未艾乎銘曰

種樹而必其報者吾於古聞之種玉而收
其實者吾於今見之彼性溫質素而粹然
無類者固非尋常培養之所滋猗嗟尹公
世德之合種靈苗異播之斯獲不然何以
家傳清白而庭產義王也耶王乎無玷爾
所生永效珎於千葉

判書申公神道碑銘

公姓申諱公濟字希仁與光漢同曾祖惟吾
申氏系出高靈遠祖諱成用始以文顯于高
麗子孫之登第者八繼十回至于今不絕麗

之季有諱德隣官至禮儀判書實文閣大提
學是生諱包翅是為高祖八我 朝常居閑
不仕 世宗大王徵拜司諫院大司諫後以
工曹叅議於是生曾祖諱檣官至嘉靖大夫
工曹左叅判 世子左副賓客自玄祖及高
祖及曾祖三世非但文獻相承筆法俱絕其
所書屏障多為士大夫家寶藏曾祖有子五
人而曰諱叔舟是吾皇祖四叅勲盟功在
宗社官至議政府領議政封高靈府院君贈
謚文忠公以故曾祖贈封一如文忠曰諱求

舟即公之皇祖也夙負雅望歷仕清班絃素
性冲澹不榮官達後尹全州府一謝病便不
起有別業在淳昌作亭于伊川之上號歸來
逸老焉府尹取薛氏生勵節校尉諱洪以取
獻陵直卞鉤之女以天順己丑生公後以公
貴贈府尹吏曹叅判贈校尉兵曹判書而乃
於曾祖以有文忠之贈不及焉公幼有英氣
及長學行日進書藝絕倫所與遊皆一時聞
人府尹薛夫人俱在堂而校尉卞夫人先逝
公年未成童連喪居廬戚愈成人嘗患腫幾

不救宗兄三魁先生從漢撫之曰天乎人乎
此見命至斯歟其友鄭希良曰君宰相器不
宜如此而已也疾果瘳府尹薛夫人撫愛益
重弘治丙午中進士一等乙卯登第自始祖
至公登第者九世而唯校尉早卒未第故曰
八繼其所謂十同者在吾家公始以善書權
知承文院副正字遷藝文館檢閱又遷承政
院注書八玉堂為修撰所歷皆清選也時府
尹尚無恙公乞便養已未由兵曹佐郎出為
綾城縣令賦政寬簡吏民畏愛癸亥遭府尹

公憂居廬于淳昌綾城去昌近綾之人絡繹
而來有號泣而不忍去者正德丙寅服闋拜
司諫院獻納累遷正郎掌令是年秋 中宗
靖國參原從功又為薛夫人乞歸養出刺南
原府治如綾城而德化過之戊辰遭薛夫人
憂既除拜議政府檢詳尋陞舍人舊事中書
郎官例不除外職時倭寇嶺南兵火之餘公
私掃蕩昌原府尤甚朝廷擇文武全才可鎮禦
者以公為府使至則導宣德義流亡復業府
庫充溢於是焚逋欠文券民皆怵舞簡其秀

教以儒業學校又與觀察使薦公于朝日勤
謹廉能吏畏民懷有旨褒美特加通政尋拜
慶尚水軍節度使以病不行丁丑出按江原
道以弘文館副提學召還戊寅遷承政院同
副承旨陞右副自右副起嘉善節度咸鏡北
道公在外則召以館職在內則授以節鉞將
相之望於是乎係焉在北地未幾戎虜多歸
化者己卯以事罷還出按忠清道庚辰入為
戶曹參判明年又出按慶尚道之地大物衆
為道者多不堪簿牒公處之裕如公餘選勝

嘯詠若無事者民有美公之政者曰清廉
若水剖決如流南民至今稱之不衰嘉靖壬
午如京師朝正越乙酉拜吏曹參判丁亥
特超資憲陞判書任專銓衡公素簡剛清慎
門無私謁時論重之戊子遷議政府左參贊
兼同知成均館自此常兼是職冬遷戶曹判
書又兼世子左副賓客公以地重固讓政
府白以輔養莫如老成以故不述以典民部
掌國計盡其區畫京畿飢中廟重賑恤
命公往莅臺諫以六卿無故出外為言乃止

公嘗愛淳昌水石別構一亭于歸來之傍扁以蘊真自號伊溪主人頗有退休之志辛卯出按平安道癸巳入判漢城府時姦克用事黨比煽亂朝中士大夫擯斥殆盡公知為所忌明年又出按咸鏡丙申知中樞府事時光漢在驪江不見公以投書問公曰僻居無聞未審尊兄今做何官公答曰安得僻居無聞蓋有味於退休也未幾以病卒于京享年六十八訃聞上命輟朝遣禮官弔祭賻有加越明年塋于揚州治洪福山南麓公風姿

溫粹鬚髯秀羨襟懷高雅好古守正遇事剛果以名義自砥礪出入將相二十餘年終始一節為權倖忌嫉幾危者屢處之超然少好學問至老不廢於書無不記覽又善草隸點繁簿滿案標筆臨帖不休常處一室唯以文墨自娛人有勸公為子壻求官則曰家傳文獻累世冠冕吾又位極人孰不欲富貴而吾家獨專之耶夫人李氏宗室湖山君昭平公鉉之女賢而有禮內治亦正家有二妾撫以恩惠閨門雍穆生五男五女夫人與公生同年

月後公十年而卒于丙午越明年正月塋與
公同塋男長連中武科官至郡守無子先夫
人歿次遂有一男碩濤次冷有一女適傑喜
男次濤繕工監奉事有一男三女次浣有四
男一女皆幼女長適生貧僕謙生一男四女
男曰延年女長適尹申二女適生貧郭藩三
女適李思卿餘幼安從壘生三男一女男曰
彥鈞彥鎔彥鏞鎔中進士女適弘文館修撰
李友閔次適司諫院司諫柳忠寬生一男一
女男曰控中進士女適安馥次適鄭彥慤今

為京畿觀察使生四男五女男曰惕悞慎悞
惕登已酉第為承文院副正字女適參奉金
希舜二女適李纘金三女適方獻忱次適尹
希老生二男二女男曰崇福崇祿女長適鄭
應梓側室有三男四女男曰沫濺涎女長適
尹鶴年次適司譯院正朴長年次為節度使
尹倭妾次適鄭璉內外諸孫百有餘人而不
能遍記仁者之後宜其如是之盛也公卒之
後夫人襄事且畢而監司鄭君持行狀詣余
曰吾聘君家姪如是德業如是而神道不顯

宜銘者莫如公盍列以揚之嗚呼惟吾門世
襲文獻在前代尚矣自近世言之我世宗
大王初置集賢殿極選能文之士而為學士
吾曾祖始授副提學各錄玉堂首題吾祖文
忠公繼為大學士典文衡吾從兄從漢捷三
冠年纔始仕以禮部亞卿早卒雖未及典文
衡於東國輿地志以文章鳴於世云又有從
兄文敏公用漑官至左議政跡二樂亭為大
學士典文衡惟吾大兄唯以善書繼家聲文
衡不及焉此正趙子昂所謂吾以書名文譽

不及焉者也兄既歿矣而後死者得與於斯
雖亦忝竊之甚亦家世積慶之餘也今者叔
兄之德義以及先世而不之辭者以吾從太
史氏之後蓋不敢辭也覽者當知其實錄也
於是乎銘之曰

鬱之高靈世篤注材孰茂樹德歷久彌培
條遠枝分文下相承猗吾大兄天與多能
惟文惟武禮樂之徵經營四方莫與爭功
台階可踐事業方隆權女姁忘正隕謀秉鈞
觀時卷懷石介如神擬踵歸來庶遂蘊真

渙之清伊可以濯塵一疾不瘳大朕何嗟
龍騰寶墨絕藝傳家斯文雖遠糟粕猶驚
二黜堂閑二樂停焉惟兄又逝疇繼家聲
顧余微末忝茲文衡願揚厥美以列幽明

淑人禹氏墓碣銘

嘉靖己亥夏四月淑人禹氏終于第享年八
十五禹禮安之望族也知郡事晟娶觀察使
并葵之女庄淑人姿美而族茂擇其對歸于
余之李氏諱植官至二品李為國姓新羅司
空翰之後也歷世廿三至禮曹判書伯由以

本朝開國勲封完城君伯由生樞工曹參議
樞生中軍司直石崑是生三品公李與禹敵
壻舉公之世詳而略於淑人猶謂曰此而識
彼且省文也淑人稱未亡者四十八年治家
肅穆誠著于蘋蘩息逮于婢僕下至玄曾率
育者常二十餘人而無不諧皆公之遺教也
記事者略於公而詳於淑人公之在世短而
淑人長碑曰淑人故備也淑人生男女均數
皆二長曰夢錫繕工監役次從錫洪原縣監
女長適李君晟次適金君壽增內外若干孫

皆自由而繁福祿其未艾乎長男監後公有子
曰藝之子曰純臣贅于吾家生男曰得是
為家婚姻之故為是銘而不敢辭銘曰
稀之壽老繁之祉福壽稀而祉繁有德者
之必得耶

南平縣監盧公墓誌銘

嘉靖壬子八月十有二日南平縣宰盧君弘
祐卒于正寢年五十一君字吉甫交河人始
祖康弼佐高麗統合三韓官至太子太師其
後十一世多為將相與高麗相終始瑞原君

濟生判軍器寺事瑜始事我朝瑜生工
曹議郎敬於君為高祖敬生軍器寺正諱
異山是為曾祖正生僉知中樞府事諱鐵剛
是為祖僉知生通禮院左通禮諱彥邦是為
考通禮娶司憲府持平金利用之女生君盧
為累代大姓而自僉知公繼嗣不繁三世皆
一子君之庄最晚妣金氏年至四十六禱而
產君甚貴之而養于人八歲就學于家傳而
以愛故不加之誨君性敏自知力業能作大
字雖累舉不中人亦稱其能焉議政府左贊

成金公克幅愛其才羨其女以女生一女金氏
先逝繼室以金氏女司憲希壽之女也生四
男曰種曰穉曰穉曰穉判官朴諫之女
餘皆幼君以門生養之別坐是年嘉靖
戊子 中宗季 庚辰 命
黜館扁仙字段以 命君寫之以黃金
能解音律薦 歲甲辰復拜 簿寺直長乙巳
即位參錄原從功臣

一等追爵考通禮公承政院右副承旨兼
經筵參贊官妣爵淑夫人丁未陞拜義盈庫
主簿遷拜司憲府監察掌隸院司評分臺惟
明決訟惟允所歷皆有聲績戊申出為南平
縣監辛亥病辭願養于驪之別墅以終君年
未至老任不得展其才世多惜者吾家牛馬
走溪作君之長贅且以吾為太史葬君之日
乞銘于吾以誌其墓嗚呼吾既與君為婚媾
知君賢且才惜君之不得有為於時整試而
還洪壽又不遐亦豈非命也夫君之四男皆終

明穎秀頭角嶄然吾於時信其能大君之世也斯可無憾也已銘曰
埋蘭地中有岳其終之長婀娜吾知其繁且華也

企齋文集卷之二

企齋文集卷之三

碑銘 墓誌

仁宗獻文懿武章肅欽孝大王孝陵誌

謹稽我 仁宗大王姓李諱 中宗恭

大王之長子也 母后尹氏領敦寧府事汝

弼之女生 王七日而薨謚曰章敬后賢有

德以思齋之美誕岐嶷之資 王乃降於正

德乙亥二月癸丑三歲能受書解音義 中

宗愛而奇之早置講院極選師傅賓僚養之

以正親製箴以誨之 王常服膺不置及長

手書于屏潛心體之六歲 中宗請封為
世子十六年辛巳 武宗皇帝遣太監金義
陳浩來錫誥命嘉靖紀元之壬午春行冠禮
入學于成均館動容周旋無不中禮性勤于
學鹽之不厭日三進講又有夜講雖窮寒盛
熱必終日危坐而溫翫至朝又為讀一再而
出以為常由是緝熙之功日就罔覺年十三
令宮僚書程子四箴范浚心箴暨書之無逸
詩之七月篇以進又手書先聖賢格言賓師
訓戒列諸左右勸必遵行尤念大學衍義近

思錄自警編等書手未嘗釋以至盤盂几杖莫
不有銘蓋其踐履之篤根於至誠者然也嘗
曰堯舜之道孝悌而已 父王以此誨我
其敢墜事 中宗極其誠敬自傷不逮于
章敬事 大王大妃益致其孝 王常於問
安視膳之外唯知講學存省沉靜寡言恭儉
無慾嘗見侍女有麗服者即 命出之宮庭
之內不嚴而肅如也又篤於友愛母姊孝惠
公主早卒為痛惜之幾於成疾幼時庶兄嶺
之母朴嬪嬌僭得罪母王俱寃 王長始

知之手製疏極陳而釋之 中宗感念 命
復其爵如故外人未嘗知有是沛乃得見
其曰心之實叢於疏辭讀之者無不出涕
王之孝友出於至性而能含晦章義不見於
外聞人譽已必慙然而惡之故尋常間雲章
寶墨之絕人者下莫得而觀之如遇賓師之
率必為之素膳致祭其禮下之誠又如此甲
辰秋 中宗以憂勤之以此比之有疾 王藥
必先嘗寢不能寐及至彌留衣未嘗解食為
之度羸形瘠心者飲泣病且革公遣朝臣

遍禱 宗社山川方在冬月沐浴焚香露立
祝天自昏達曙及薨全廢漿飲者六日哭不
絕聲者五月唯歛飭粥不進鹽醬既葬常在
喪次屏絕宮人所侍者唯小宦數人而已雖
世異亮陰不能無命戒而軍國之務一委大
臣以任之言則乃雍 王自初喪羸毀已極
病以日臻大臣將禮文請從病則食肉之制
不聽率百官請之者累日亦不聽 母妃親
自勸之 王不得已若將進御而竟未也時
皇帝遣太監郭玟行人張承憲賜祭若賻謚

于 中宗謚曰恭僖又遣太監張奉吳猷錫
誥命于 王及后 姓朴氏贈右議政壙之
女也 王欽 帝命重 詔使雖在疾病郊
迎館待靡不盡禮使者張行人正士也嘆
王之誠服 王之孝言必稱賢王至越江猶貽
書謝 王以示無斁之意使還未幾 王力
疾將祭于 魂殿回起居 母妃大臣深憂
而固止 王不聽曰近目 詔使身且有病
虧關子職予甚痛焉自是病遂彌重以至大
漸時雷震慶會樓柱左右慰 王之驚

王曰予則無驚其亟問安于 母妃大臣入
問疾 王必整冠而見嘉靖乙巳六月二十
九日召大臣尹仁鏡等入 教曰予遽厲疾
殆不興悟傳 位于 慶原大君諱卿等其
尚勸翼以副予懷翌日辛酉朔薨于景福宮
之正寢享壽三十一都中士庶奔走號哭填
咽街巷大學諸生會哭于闕外畿內之儒來
哭者相繼至於遐荒僻陬靡不號慕德之流
行者未以而人之感化者至此三代以下未
之聞也嗚呼天與 王以大德既得位得祿

宜若必得其壽將大有為於時而難謀匪常之痛乃如是也 王在東宮二十餘年雖於燕閑左右未嘗見其惰容其篤信學聖純亦不已之效見乎未周歲之間者無得以名言其著於命令則不改父臣之語發於論述之際必得賢輔之教見於卜相之日天災示異則省躬而求言民力告瘁則約供而減租襃清白舉遺逸之命纒下而士思激昂修庠序理冤枉之旨累諭而人知耻格循是以往其治教可勝既耶纒試數月之可見三年之成

豈非天也歟 王妃朴氏無後庶亦無子女臨薨把筆欲書而未能嘆曰孤之有懷非文字莫可論諸群臣今乃至斯雖欲審訓亦將奈何尋又 教曰纒經 父王之喪重遭 華使之來民未堪命予又至此不克終孝予死必葬于 父母陵側凡予襄事無踰禮文懋從朴素以率予志以紓民力是年十月十五日甲辰安厝于高陽郡治 靖陵之旁良坐坤向之原遺 命也 陵曰孝殿曰永慕謚曰 獻文懿武章肅欽孝廟號曰 仁宗嗟

乎謚者天下之公臣子所不得以私既號曰
仁則更千億萬年見謚亦足以知其德矣嘉
靖二十四年十月日臣謹誌

贈吏曹判書礪原君宋公神道碑銘

公諱演孫字善源礪山人九世祖淑文始仕
高麗官至政堂文學淑文生希植官至五宰
希植生松禮元宗朝定林行之亂朝野倚重
官至門下侍中謚貞烈松禮生僉議中贊珍
之生知申事璘之生判密直寺事郊之乃生
嘉靖大夫工曹典書諱禧於公為曾祖典書

生通政大夫延山都護府使諱繼性是為祖
初典書居古阜之別墅府使少時游學山房
卒被倭掠處倭中三年困於樵牧一日薪于
海濱見虛舟適來跳上誦祝忽遇迅風一晝
夜得達扶安縣黔毛浦人皆嘆異及長娶高
山君金得齊女生三男公之考乃其季也考
諱渡利官至通訓大夫京市署令是娶縣監
淑瑄女鄭氏始移泰仁縣東村居之以天順
庚辰生公成化壬辰遭內艱服且闋已成童
矣同里有丁正言克仁早退訓進後生學有

淵源公就受業年十八始捷鄉解至丙午舉
進士一等弘治癸丑薦拜 王子君師傅
成廟知公有學行特 命公侍讀 中宗丁
潛邸遷拜濟用監主簿為親老出補谷城縣
監考滿拜軍資監主簿遷掌苑署掌苑轉拜
工曹佐郎六曹郎官非文鮮有與焉公之見
可於時論如此未幾陞授龍潭縣令正德丙
寅秋 中宗靖國 命錄原從功一等贈公
父母爵考通政大夫承政院都承旨無 經
筵叅替官春秋館脩撰官妣淑夫人丁卯春

有 命陞堂上授僉知中樞府事 賜表裏
一襲蓋不忘侍讀功也翌年出除韓山郡守
公自潭還每想倚閭恒懷不樂乞補外甚懼
或止之曰公營閣尚康強 天眷方隆功名
可收何苦乃爾公慨然曰游宦遠方豈若近
桑鄉為一縣得盡供母之誠以不負夙願守韓
山未暮月以病終于郡齋享年四十九齋不
匱之志未就而早卒天予惜哉 中宗聞訃
震悼 命厚賻之是年九月葬泰之七寶山
竹林洞從先人塋禮也嘉靖乙巳秋追封純

忠補祚功臣礪原君贈嘉義大夫吏曹參判
兼同知義禁府事以其季錄勲故也公長身
美鬚髯風儀動人之皆偉之署令病革欲嘗
銀口魚未及獻終身不忍進是魚如或見之
輒含淚凡乞三郡奉慈堂彌篤定省告面雖
倉卒不廢衙罷入侍恒設慰筵令僕妾執樂
子孫迭起為壽以悅親初公侍讀 潛邸導
以義範以禮非正直不陳如有語及異端者
必厲色折之 中憲雅敬重之常語左右曰
予之不至庸愚宋某之力也四十年太平基

業公實有助焉及守韓之日有吏謁曰前後
守必禱隍神以資福公叱曰死生成敗天所
賦恤民殺上神所佑何必媚城隍求福耶欲
杖而止歷宰數邑一以清儉臨案理訟剖決
如流均賦薄斂視民猶子嘗莅潭遭慶朝誅
求逢蠱午欲去懼禍欲斂不可遂索私藏又多
方以克賦不煩于民流逋爭集守韓纔數旬
民亦愛其遺澤靈車之發道狹有蹂禾稼者
郡民老弱相聚送之曰數旬蒙澤豈此百畝
禾所酬多有掩泣者其處鄉黨也待少長備

恩禮平生無與疾言相排者凡喪婚必力扶
之宰縣之日有鄉人求與者必豐酒食遣之
久與自家田園之入及靈車還鄉老幼相吊
設奠路傍甚衆天資豪邁凡爲文章捷敏至
書一畫博奕醫方雜技亦臻其妙尤工於詩詞
嘗以湖南列邑之名著別曲十章極盡巧麗南
方至今傳誦之有此才美而七舉不第終未
大施世多惜之公之配曰淑夫人金氏籍扶
安僉知中樞府事甫漆之女高麗贊成事文
貞公妣之後先公卒享年五十一賦性端敏

持心處事皆出自然其於女工亦極精妙處
閨門以禮待婢僕以恩內政畢舉孝誠尤篤
族黨咸服其家道公之令德賴夫人益著常
嘆曰自吾失內助一身愆錯比昔爲多生三
男五女長曰世球仲曰世琳季曰世珩世球
有文武才 中廟特授宣傳官娶金和兩女
生二男一女長曇已卯生負次星察訪世琳
年二十中生負進士二十四擢甲科第一人
累遷拜禮曹佐郎兼春秋館記事官娶承旨
姜女參女生一女適生負孫弘綸世珩中癸酉

進士登壬辰丙科至乙巳秋以承旨參衛社
功臣封壺山君後陞資憲拜戶曹判書加贈
祖及考祖為兵曹參判考為吏曹判書壺山
聘獻納趙英珩女無嗣側室參奉朴周南女
生二男一女男長昌屬忠義衛女適完溪令
龜公之五女其一曰金應商妻生男女如公
而皆少一男長樺習讀官次春追服旌閭授
昭格署參奉女長適進士邊士儉次適忠義
衛金輕次適進士鄭彥忠次適進士羅應虛
應虛彥忠皆以孝行聞于朝并除參奉其二

曰金希奠妻生二男一女男長若玄進士次
若默成均館典籍其三曰吳馨遠妻生一女
適右贊成林百齡以元勳重於時而顯於世
其四曰權綺妻其五曰庄貞金若晦妻生一
男二女男元察訪女長適司憲府持平安軸
次適宋彥博內外曾孫男女凡四十六人玄
孫男女凡二十三人嗚呼何其繁且盛若是
耶豈非積善之餘慶耶公之季壺山君嘗持
公之行狀就太史氏某曰吾先人家世如斯
德業如斯而尚未聞銘于公是以墓道不顯

爲先人羞久矣於孝子之心何如也願得公
銘以列塋城上以慰先人之志下欲取信於
萬世公其圖之某答曰予何敢當是哉然旣
與公同盟于衛社壇知公之忠又與之同僚
手諫院暨禮官知公之清且直凡人之有忠
與直與清者必不苟譽於人况於其父母耶
今公之所載先人之行狀皆實錄也世之人
亦旣聞而知之矣予以是爲質而銘之有何
疑哉昔歐陽公永叔朱文公熹自撰父母行
狀而不疑人亦不之疑况此又經太史之筆

削耶其能慰先志於地下未敢知也其取信
於萬世則無疑也銘曰

文公狀妣永叔撰考有子而賢式顯父母
惟茲壺山實踵其令旣次世系又述德行
歸之太史繫言之能况及宋氏文獻足徵
徵之于獻又徵諸文斯而以傳奚待余云
秉筆之直聖亦悠憑無所可關請質斯銘

監察李侯墓碣銘

侯姓李諱龜禎字彥休永川人也父諱寅求
禮縣監祖諱永弘工曹佐郎曾祖諱承孫議

政府左贊成高麗判圖判書允卿之玄孫母
成氏永春縣監孝元之女也家世綿遠代有
紀錄今略不載惟侯之生在弘治戊申侯生
而妣逝九齡而父又逝猶知執喪所食匙箸
不使食肉者難漸知讀書為文屢干有司求
議不得正德丙寅參靖國原從功年二十九
以門蔭補 獻陵參奉例陞義盈奉事長興
直長豐儲主簿所莅清謹嘉靖戊子拜司憲
府監察古之殿中侍御史也庚寅出除甌山
縣令適值 國恤未卒哭而妻病思食肉竟

不與甌人稱之甌之館字類廢者久不煩民
力而能新之善政之游刃也如斯十考皆最
秩滿復拜監察未還朝而卒于官年四十八
何善人之不壽耶平居樂易如有酒食必與
友朋親族共之以得其歡心及其歿也人無
不惜之者妻申氏平山人也考末平贈議政
府左叅贊祖自準忠清道觀察使曾祖槩外
祖權學皆官至議政府左議政門閥盛于東
國申氏性仁家道甚睦御婢僕一以和自為
未亡人奉先祀極其誠孝未嘗少墜至於公

之朔望奠必手備至于十七年之久而不衰
嘉靖辛亥疾終于正寢年六十七生一男四
女男曰應運交河縣監娶參判尹安仁之女
生一男一女皆夭女適結城縣監許雲生四
男一女男曰曦曰暘餘皆幼女適幼學崔汝
漑生四男皆幼次女適生貞洪潤生一男曰
夢男次女適生貞林浩生二男皆幼次女適
進士黃廷式生一男一女皆幼侯之平時乃
言曰穿州墓域今為賊藪吾死必葬于富平
然後庶可守矣孤應運拘於襄事不給葬于

舊隴至是乃得遷侯之柩與母柩同葬于富
平之鵲洞乾坐巽向之原以卒先志云駟曰
難諶者命不齊者物命有脩短物有得失
安常處順君子之吉謂官滿能僅宰一邑
謂壽稱德未有五秩天之報善斯莫之測
尚有餘慶毓比蘭玉得在失中而誰與易
有荒舊隴穿川之墟蹊茅墓棘神不寧居
去故就新惟古之從雙劍同阡其樂融之
山峻而秀水清而漪生祥遠害子孫保之
祭文

祭鄭淑人文 爲舅氏作

嗚呼哀哉君年戊寅我年己卯白首夫婦六
十四五相須賴倚爲手爲足恩逾少日義重
平昔云何一朝俾我先哭追惟萬事寧可忍
說我微我窮我顯之同我邑我府我郡之從
于慈于順穆之雍之門闈聯慶子壻乘龍一
生榮養天與之豐沉綿未疾一卧長終有子
在前有孫在傍哭不我聞莫不我嘗死則然
矣生豈敢忘窮天永訣視日茫々嗚呼哀哉
尚饗

祭姑氏鄭氏文

維年月日女壻齊喪人恭謹以香燭酒果之
奠致祭于姑氏淑人鄭氏之靈嗚呼恩有所
受義有所歸恩之所在義必隨之惟恩惟義
於此則多欲報之德罔極柰何吾年四歲天
禍于家孤苦隨母晚而俦伶三遷有教一藝
無成年維丙寅曰求我室婚姻之故言就嶺
北外堂一拜乃成天屬咸山大府物華駭矚
豈曰未知好此弋獵慈深季女容我落拓我
保我護我誨我勗小人懷恩式勿蹈惡朋年

司馬一試兩捷歲且三周忝登大科飛名玉
堂通籍臺坡念予愚頑惟訓是回感懷于衷
庶無虧恩榮華不滿殃禍如屋越壬申冬喪
我琴瑟哀之乳下二女誰托嗟我姑氏而以
成疾劬勞閱之翼其有立孰無慈天姑氏偏
得沉憂十載病嬰肌骨吾時仕朝舅宦于外
而多隔濶其幾相會今春二月往省錦衙飛
羸面改語悲音嗟泣撫二孫曰既婚嫁即憂
少替我死亦可言猶在耳胡忍更思彼蒼者天
曷其至斯我於爾也有胡大罪天於我也降

禍不悔六月喪妣八月克塋十月喪姑殯在
南壤人生到此若之何其五服僅殺天道之
宜身伏墓廬朝夕是尸殮不臨棺奠不助事
報見以空我義安施匪我如斯惟天之酷匪
天之酷我實作極山廬孝冬為物蕭索壘滿
丘陵愁雲慘日新什舊隴乘梓對樹亡妻埋
左少女巖右吞聲莫哭淚已盈袖念及天涯
腸豈不裂魂平在上豎道無隔陳辭致誠儻
歎菲薄

遠親王氏墓祭文 并序

余在京師自省事而來聞外遠親王氏華業
在中原之茅洞辛巳秋羅官于朝無所於歸
始尋茲地將爾父遠至則見室廬有基田疇
蕪穢而人居絕遠殆難於起廢曰孰與元
亨里居焉距茅洞僅三四里有老人去王氏
墓在洞之山間王氏官至一品坐享墓于茲
碑表不立世代既遠然我能識其域曰其言
果得其墓嘗有志於修完既為推收之所久
則實亦難焉曰請石象寺僧季通覺亨二人
者環其域樹松數匝俾守之適及寒食為之

而祭之嗚呼人之貴於身後有子孫者豈非
能繼吾之世能傳吾之業久而不墜者乎然
未一傳再傳而不知先世之處者多矣况來
雲以後如吾不肖者其何克焉而於此苟有
耻者王氏之室廬則曰吾先世之基而耕之
王氏之田疇則曰吾先世之士而治之山而
曰吾先世之山而樵焉水而曰吾先世之水
而漁焉至於墓焉則曰吾先世之藏而槩之
可乎焉吾子孫者如不至於失先世之業其
忘王氏之墓乎噫其詞曰

茅山高兮境岷茅洞邃兮遠迤舊宅廢兮遺
基田疇蕪兮不治世代表兮子孫遠處墓藁
棘兮樵散來斯余推裔之香綿兮棄於時兮
依於茲耕而基兮治而田耕而山兮漁而池
食則飽兮衣則煖丘隴之墓兮誰使守之環
其域兮封植日之吉兮時宜寺旣近兮僧亦
慈始自今兮無敢或墜牛羊兮勿踐斤斧兮
勿柴松樹之九乙兮庶吾子孫之怡乙兮千
年兮萬世神永賴兮為依

祭瑞山郡守朴永潤文

天之無端韓子乃疑命之匪常白氏去知我
疑于茲我固知之惟天與命胡至於斯子之
考璣實推善人慈祥惶惴惠或也仁家而克
儉吏則為循廉于濁世推牲之真善之所積
慶延于嗣子之兄弟克肖而似俱登虎榜同
受龍光父為善府白髮康強兄靈雨瑞分領
銅章一使二字會譙公堂縉紳推榮紳黨慕
望天於是時若有主張命於其間亦克有常
五六年來倦於為仕父老茅山冠氣同侍怡
愉一家德星斯聚吾棄於時托茲仁里歡然

往來相得甚至俱非有挾上交下友暮年投
分實同白首稱熟之秋花發之春一月三遊
約之以旬盤供雌雉網薦銀鱗愉之秩之冠
童序坐長政露石無往不可造物多猜好事
難久兄亡三年父死于疚哀之孤孫與子同
憂鄉無長者誰與偕遊縱有尹生相對懷愁
乃今年夏孫也又亡子之純孝痛毒增傷廬
未返家病已難救服闋一日裹肉往哺乘馬
至門僕御奔走呼藥救命我入執手亦喜吾
來云病若愈心知死隔尚賴天祐無端之疑

乃於是決匪常之知又於此悉嗟之長源而
至斯極忠不足恃孝不必極人間三世四年
四哭為善受罰到此云酷慮無居產殞在慶
字棺不以美惟嚴極哭奠無人二庶幼穉
天耶命耶竟安所施猶有英靈告子哀只

祭吳秀才景愚景瀨文

維年月日姻從老某謹遣蒼頭順迪致酒餼
之奠敢昭告于吳秀才兄弟之靈人之生世
固若寄焉孰為大扎孰是長年達觀所齊物皆
如斯喪既尸歌古或有之言念二子亦何不

悲始 吾贊吳託屬弟兄蘭茅玉抽折見其成
長既有室季亦新婚惟家之慶諧咲方云一
疾告凶二豎俱猜曾未閱月雙璧聯摧天之
香澄而以此加乃妻無兒新舊如何乃公在
堂乃孝不卒縱有側支其克嗣續嗚呼此世
復有斯感留而不秀之而不實孔氏之嘆於
斯文極聞子雙輻自京偕菽陽山之墟世有
禁域乃既歸附魂亦寧止乃家之痛曷有其
已含哀薄具致告于此嗚呼奈何尚來歎只

祭金叅判國弼文正國

嗚呼哀哉天之不慈乃至於斯耶聖有喪予
之痛達軀嗟來之悲伊知己之云亡聖達皆
為之盡傷斯人也而至於斯極為得不摧其心
腸噫賢之生世也不數而得壽位者無幾謂
子為得位官不過亞卿而止謂子為得壽年
不及耳順而已何天之界付厚於才德而畜
於施用也將賢者之處於世也吉於靜而凶
於動耶吾見其早達而中滯晚若有收於棄
掄竟歸造物之好弄耶嗟之國弼胡忍為茲
君恩誰與報答吾道誰與扶持蒼生安托白

首奚依痛人琴之俱亡我輩猶為人猗陳菲
薄之一奠訣幽明之哀辭

祭雷震

宗廟配享功臣室

親行第

一室文

陰陽錯行天道之施致茲乖戾實惟人為惟
予小子嗣守丕緒愚侗之故罔覺獲盥乃於
今月二十一日震及廟庭配享之室惟天
示戒威動左右兢惶震懼罔有攸措茲率群
臣奔走及事躬薦明禋告以疚意自今以往
訖用敬止於昭在上監予誠只

第二室文

人事有失天必譴告願惟祖宗在帝左右
闕覆後伺寧有不至今茲震變乃極于此皆
由小子於德罔嗣變不及他爰及廟庭思
惟厥咎惕愆交并先臣享室何辜于天必于
示譴豈無其緣以予之故驚動先靈泚頽
躬奠祀事則馨未敢向哭惟以殫誠

祭風雲雷雨祈雨文

應製

神為不測理則惟一人之休咎有感斯答願
以冥昧不克肖德獲戾既多示譴宜亟維茲

早曠俾民無食民既無依神亦奚托風伯雲
將雷公雨師惟爾有神實主玄機掌帝之命
亮茲天功罪在寡躬宜責寡躬寡躬有罪下
民何辜稽首明神殫予誠告景有一言割退
熒惑湯陳六責不待言卒在古如斯今豈無
之至誠所感聽之云甲陰陽合同協氣旁滋
蘇枯活瘁大施鴻慈報神之賜曷敢小避神
之格斯翼驗於斯

祭國內山川祈雨文

山岳鎮峙川瀆流注崇嶽濛鴻各有攸主興

雲致雨乃其常職故載祀典靈應匪測今茲
旱魃敢肆其毒始憂蟲之終見滌之民將轉
死國靡有托縱曰寡躬獨任其責曠茲天工
是乃神羞敲嗷陞降實在幹流宜嬗變化答
此矜人蘇我嘉穀惠我烝民神亦永依祀事
無墜非神之賴而賴于誰薦誠侑辭告以祇
祇

祈禱景思殿文

皇天降割胡至斯極臣民無祿既失劔鳥攀
跣奠及痛在肌骨矧惟 嗣王寔天生德至

性思孝但知寧戚崩摧羸毀靡愛靡頤追慕
彌篤膳御日少仍違癘疾証纏在熱藥餌無
效彌留有日神人何依 宗社焉托通告舉
國罔知收告遍禱群神咸及 宗祐念惟陟
降實在左右顯晦罔間宜保且佑殫此血誠
籲呼冥默下鑑群情鎮我初服茲茲能念永
乃祚福

陳慰興獻皇太后祭文

天佑嘉會配我太支洪惟積慶乃膺昌期儲
祥誕聖克續大統正彌長信福綏含弄宜延

遐筭與地無疆軒宮掩綵雲馭祖方涼陰禮
棘四海悲纏顧惟弊邦邈在東偏攀號靡逮
聲茲哀誠澗筆潦酌意在惟精

雜著

許早魁文

庚寅六月旱
至辛卯五月

歲惟單閏仲夏既月冲融虐焰職是早魁殷
憂老農頭戴白髮晨起候雨赤日如血雲不
能族風且殺凄其冷氣凜若霜殺火輪亭
午原燎俱烈山川滌上矧伊艸木岬木卒瘁
况於嘉穀哀我民斯胥將焉托稽首上帝許

之若竭天生衆民所事惟四下焉工賈上焉
者士農居其中資此三事十畝之籍實供染
盛奚獨於人神亦以寧恭惟帝天宰茲神人
厥臨赫昭覆之以仁惟休惟咎應如影響降
祥降籙曾不少爽孰不畏威疇敢越志蠢茲
有魁肆然無忌熾張薰灼比附祝融屯擁帝
膏蔽塞帝聰乃攝提歲六月維吉擅命朱鳥
鼓翼炎熱風伯助勢雲將辟易電母收光雷
公屏跡拘收兩師守之海若赤熾燒空朱禪
結伍侵凌辱收遠襲玄武喻分越職逼于勾

芒橫行不戢復會南方魁之所過金流玉燦
魁之所駐土石蒙毒眇爾之豐安訐臍臆商
湯森林徒費六責周宣雲漢卒用圭璧帝聰
逾貌實乖帝德帝生萬物有帝悶斯今罹茲
酷帝豈不知帝於是時無乃東遊無知無謂
雀躍掉頭帝於是時無乃西狩與王母遇酣
飲沉酣帝於是時無乃在北枕一玄冥昏
嘿不然茲魁胡至斯極惟願上帝則勤南
顧申命祝融莫予敢侮哉此旱魃斂彼風伯
招雲將未釋雨師囚雷公電母曷敢退休沛

然帝澤孰能禦之匪我訴私神人是依

仁宗疾大漸赦文

天既降災先王上賓未周一歲神亦不佐
寘躬違疾已踰數旬未省何辜于天徒切自
責于已然彌留至於斯極迺宗社將何所
依行仁之先推恕為急慮於刑獄之下而有
冤枉之多宜加恩以蕩䟽以謝予之罪咎

今上即位赦文

天之作孽于下國未有甚於此時國之獲戾
於上天又何至於斯極仰號叫而莫逮奄摧

絕而猶蘇惟我 大行大王德惟生知孝乃

天篤在東宮二十五載典學不渝於始終至

寢門一日三朝視膳恒存於寒暖回心即友

釋同氣之罹凶以禮下人得多士之歸服

先王之所付托 祖宗之所賴依何天命之

不疋而荼苦之斯集雖嗣有夫令緒實未堪

乎多艱人方思見德化之成天若不欲至治

之復曾未悔禍胡寧忍予乃於篤疾之中念

茲眇幼之躬思不忘乎繼序命盍加於承祧

悼切乎心言在于耳既來斯怙又將誰從茲

迫受遺之臣共贊付畀之重哀其位之忍踐
痛末命之勉承乃於某年月日 即位于勤
政殿云々既見遺大投艱于眇冲宜布渙汗
解雨於遐邇通自某月日昧爽以前云々無彊
惟恤式自今而方新不顯亦臨庶保命於將
至故茲教示想宜知悉

仁宗大王玉冊文

孝莫大於繼序方切永慕之懷禮尤重於易
名爰舉追崇之典斯乃古今之異法固非臣
子之私情堯欽舜文禹勤湯敬以正儲貳之

位德允協於元良恒加精一之功聖亦造於
天縱肆克紹於前烈乃丕承乎洪圖唯知儉
而慎厥身寔能孝而仁若考先收謹獨於屋
漏效既著乎脩齊未有命戒於亮陰道固存
乎恭默試以存神過化之妙敷此博施濟衆
之仁五百年興王之符將及繼乎昭代三十
二喪予之慟奈又減乎夢齡何天意之難謀
悶蒼生之無祿豈料竝疾之漸進而致几席
之重仍審訓纒及於元臣未命俄遺於眇幼
息無所怙徒銜恤於飭終義無所從願揚休

於節惠摹天地畫日月雖盛德難於形容垂
竹帛勒瑤珉庶微稱傳諸悠久諷吉辰以獻
誦陳寶冊而備儀謹上尊謚曰敬文懿武章
肅欽孝伏冀明靈俯鑑殷禮不顯亦世默贊
燕翼於苞桑無疆惟休益鞏鴻基於盤石
表箋

捕解下海人犯謝賜白金綵幣兼及陪
臣表

覆載高厚物無或遺雨露濡澤靡不究承
眷采感荷寵增惶伏念猥將冲資際此熙運

唯知謹於守土顧何效於貢忠循故常而解
逋氓藩翰所職記纖微而領異數金幣以庸
恩復逮於賤陪德逾難於上答伏遇心敷字
小度擴包荒稽柔遠於虞書勗施仁於周政
遂令遐裔亦與洪私謹當繼世龍光永思今
日之賜多男燕翼恒祝萬歲之禧

賀冬至表

雷聲地中啟襄陽之道長雲爛天上受萬福
之明來喜及飛潛慶延遐逋欽惟心為精一
德是衷和融乾行而自強七曜齊政推善端

以克廣四海加恩茲當利往之辰益擁休復
之應伏念臣欣逢亨運叨守弊封身阻閑關
亘對威於咫尺誠切獻曝徒祝壽於崗陵

千秋賀箋

祥凝貳極方面出震之辰彩潤前星咸仰重
明之象輿情胥慶邦本益隆恭惟偉量淵冲
英姿玉裕承桃主宅屬萬國之顯望典學親
仁貞百度兩順則茲當電繞之日益膺川至
之休伏念權守遐荒哀切草土誠殫魏闕向
東朝而懸心祝效周詩指南山而獻壽

大王大妣上尊號百官陳賀箋

達孝莫大於尊親既盡顯揚之道儀物實備
於報德聿觀寶冊之光凡在瞻聆孰不歡喜
恭惟肅雍迪哲聖智所幾教仍岐嶷之資興百
年之盛典天申保佑之命衍三朝之鴻休宜
載膺乎徽稱永以綏予遐福伏念臣等俱以
庸愚久叨 恩澤貽謀燕翼誦周雅之思齊
祝壽龜疇荷禹範之攸叙

賀改成 太廟奉安 列聖神主表

皇矣帝實降鑑示革義於舊規改也人皆仰

瞻成萃道於新假慶關宗拓喜溢堪輿欽惟
動遵憲章務存誠恪奉先思孝制作允協於
明神式禮奠紘昭穆咸序於裡祀茲當大事
之正益膺景福之臻伏念猥將眇質端遇盛
際辭剛白牡雖未助薦於犧牲烏楠曷楹庶
幾同賀於燕雀

賀表

惟皇建極五福不汨其陳自天申休群妖無
易其種事關廟社喜格堪輿欽惟洪度包荒
至仁歲疾大威小惠大小歸心遠柔通能遠

通思服豈意唯伏之變乃生魚貫之間春一雨
同霑或怒勾芽之悖陰虹雖犯何損太陽之
明獲賴 祖宗之靈顯加烏犢之戮一人致
慶四海騰歡伏念迹靡繫弊封身阻賀列蔡藿
偏牲沐玉澤而西傾犬馬微誠祝聖壽而北
拱

謝賜陪臣一宴無劓還人口表

鯁岑賤介獲霑湛露之濡鯨浪餘生并被洪
鈞之造殊眷逾稱感戴難勝伏念臣猥以冲
資權守遐服唯知謹於職貢願何望於恩私

而茲蟻虱之微臣與夫蠢蠕之殘命天分九
醞叨被一宴之需雲地隔千程幸免三重之
坎險既飽爾德之顯言復我里之愆之濫
承寵於非常願圖報於罔極伏遇包容度廓
並育仁深近悅遠來俾群心咸遂其欲亨屯
拯溺疇匹夫不得其情肆在小邦特家至渥
敢不恒傾葵藿庶竭涓埃恪守整廛東禮益謹
於朝聘誠懸拱北壽倍祝於罔陵

謝賜鞍具馬豹皮唐表裏箋

官叨備於典禮分當守俎豆而駁奔德難報

於資生身復荷雨露之洪澤省循知愧願寵
增驚伏念喬木舊家黜繫未學忠存五世仕
至三朝常於乙夜 經帷猥承 中廟獎喻
義君臣親父子 恩語至今猶丁寧居廟堂
慶江湖憂心何間於進退常勵匪躬之節少
效盡瘁之心豈圖異數之便蕃乃及明示之
優渥珍鞍曜於晉馬無見寢處之皮絲段爛
於卿雲更稱長短之製殊私若此振古所稀
伏遇 大妃殿下扶日功高補天勞大恩敦
逮下賞不遺於涓埃教先補仁化無闕於漸

被遂令庸陋亦覩光榮敢不鞭策駑駘激昂
清直情深懷惠益彈奏藿之誠志切祝禧倍
獻崗陵之壽

謝上箋

常多愆於執禮恒懼罪責之加願承眷於垂
仁濫蒙恩數之厚撫躬匪稱銘骨何忘伏念
寸無適時任重咨命雖粗聞俎豆之事而未
效奔走之勤豈圖鞍馬文皮之珍乃無錦段
華服之錫端章甫作小相禮殷赤也之所願
為記功宗施大勞寵過周公之不敢宿衰門

增彩朽質生榮伏遇聰明目心濬哲由智崑
之德業察其直清之功秩之威儀憐有赫喧
之助特令賤品荐荷洪私敢不益勵素衷更
堅晚節夙夜惟畏鏡未能伯夷三典之諧終
始不渝庶幾殫封人萬壽之祝

仁廟請謚表

節惠衰終帝王之盛典易名請謚臣子之至
情肆竭卑忱庸瀆聰聽切念先臣諱新服
寵命恪守遐邦方在疚而過哀病已嬰乎二
豎期盡忠而莫效祚不延於一年若稽舊規

宜賜殊號伏望導達顯親之懇俯垂悼亡之
仁榮加九原恩及百世謹當輸穎封不匱之
孝祝周家無疆之休

謝 欽賜律管表

天子有三重之帝制度出一黃鐘為萬事之
本寶與特加寵極驚惶恩溢器數伏念叨守
僻陋幸際文明深蒙至化之陶鈞獲覩百年
之禮樂碩茲幣邦之懸設曾是 先帝之降
頒恒懼積分之漸差竊欲累黍而得所惟十
二陰陽之管非損益曷盡精微而五八聲音

之諧是神人賴以和悅初擬就正而市貿敢

望 宣賜於 御裁參差律呂之短長妙合

候應清濁宮商之節養允協聞聽龍光視古
而彌隆治忽由此而可察伏遇功參創述道
造繡綸監前代而憲章赫郁於周室命后
夔而擊拊致踏於虞庭遂令遐邦亦荷
殊寵謹當恪守青社矢罄丹衷庶用變夷備
方響於唐部終期忘味贊九成於舜韶

賀大王大妃工尊踴箋

尊其親致其孝古皆用之以推崇崑亭功煥

乎文何獨不然於歸爰宗初闕慶朝野均歡
恭惟聖惟思齊烈為無竟配乾剛而御坤極
久贊隆平之治扶日轂而進天衢更啓清明
之運茲當盛典之舉益擁壽祺之休伏念克
賴正蒙猥守艱業酬恩報德敢擬造化而名
言祝福祈禧庶盡愛敬之誠意

皇太子謝箋

龍樓問寢恒存不匱之誠鶴禁儲祥克贊無
疆之福妖奸既殄普率同歡恭惟純孝由中至性
承上明星炳彩德已符於乾文和氣婉愉功實助

於聖化何圖愷悌之所而蓄狙唯之謀象垂典刑
未分醢肉血汚齋斧允快甘心編猷益隆燕翼彌
遠伏念臣幸作藩於東服願繼佩於春宮叨逢盛
表仰夏室而謳歌祇祝遐齡酌周牙而忭舞

上尊誦箋

大德資生欲報之而罔極至親顯揚願名焉
而無能茲殫早誠庸舉盛典恭惟徽柔文懿
淑指貞明 先王享國四十年克著齊妃之
義舊邦基命八百錄允邁周妊之仁頃遭多
難之未堪而致小子之受侮苟非素所畏服

之主母何以安此反側之群奸功已重於宗
祚慶久闢於歌頌徒勤盡愛敬而思贊之者
足譽天地而稱巍之謹上尊號云云俯庶冲
人益闡熙運三朝長樂每申保佑之休萬壽
南山永膺綏成之福

章敬王后祔廟箋

情目禮出思孝彌深德以名揚節惠逾遠爰
舉絳典丕稱徽音恭惟 皇妣章敬王后聖
善天出柔嘉自則協旁求於寤寐克配乾剛
知造端於隱微載隆壹化何至澤之未究而

永慕之無窮臣諱碩惟幼冲忝承艱大茲當
陞祔之日用申顯休之儀

謝賜銀兩綵段下及賤价刷還漂流表

共為臣職而已有何功勞之可褒曲紆 皇
恩若斯無間賤微而皆逮省身非絳銘骨難
酬伏念臣猥以庸資邀守弊服恒懷敵王所
愾敢後獻土之宜倭倖罪合於顯誅錫貢物
細而加敬唯知下悃之少展豈望異數之香
臻驚承天澤四面滂沱欽拜金花兩道獎諭
珍藏寶帑貺而又與既輕重之均施脫戎漂

海死而再生自南北以博濟是雖並育於洪
造實惟特顧於小邦寵榮備隆編簡攸罕伏
遇仁敦一視度廓包荒厚往薄來常篤九經
之旨矜遇錄善不失匹夫之心遂令龍光覃
及黠域臣謹當益礪素節更竭丹衷消埃答
聖朝愧乏鞠躬之效尚陵祝堯壽德切上手
之祈

皇太子謝箋

貳極居尊克副顯望三朝盡禮道宣洪私揆
分踰涯撫躬知感伏念猥以幼眇叨守藩維

顧之絲毫之微勞敢冀褒賞之優典懷柔既
篤德彌贊於日襄金幣交頌寵允隆於時展
殊私若此圖報未由伏遇偉量淵冲英姿玉
裕能順乾而資物曲承化以成仁遂令遐邦
獲被稀錫謹當秉忠殫節虔始思終跡滯鯁
岑恒仰前星之耀誠懸鶴禁倍切後天之祈
乞致仕箋

有盛必有衰天道不違於代謝知進當知退
人事焉得以及盈俯罄中情仰累聆聽伏念
臣性本愚戆學昧淵源徒事藝文志聞達而

干祿靡識踐履矇內直而外方宜見棄於聖
門尚何容於朝列然鴻造之有命荷龍光於
匪望自包翅始事 太宗既類張良之五世
而微臣遠遇 中廟又似君公之三朝象隆
眷於 先王擢崇班於今日緘封耿、於骨
髓歲月葬、於素尸弊帷空箴老馬猶在恭
惟 主上殿下善繼善述肯構肯堂始以不
改舊臣謂有陳力終焉圖任同德曲記微勲
謬 息猥典文衡非據濫貳金鉉况棗太史
之筆兼掌國子之鈞而出入諷議乎 經帷

庶緝熙光明于 聖學備承委寄之重顧慚
事功之早異數莫報於絲毫締年奄迫於七
十生亦忍永訣 堯舜杜甫雖切於戀君久
不復夢見周公仲尼嘆衰於行道矧復支離
爭疾病尚艱步趨於尋常茲率舊章敢還官
政伏望仁以辭察惠以懷安叔天鬲於罷駕
俾遂自牧假 息波於涸鮒少延餘生咸有
令名永孚休養則願保頽暮無死須臾懸
關丹心歸不忘阿衡之陳戒擊壤黃髮親得
見太師之明農

謝賜几杖宴箋

乾坤自有洪私雨露并霑於枯草 聖主無遺壽考惠澤荐加於殘生撫躬知驚銘骨思報伏念鈔槩末學喬木舊人舉進士於廟之初年作退老於三朝之今日久窳祿而不死宜見叩脛於仲尼當去位而留行徒愧隱卧於孟子何圖丁寧之教更縻盛滿之躬鄉思自斷於烏皮相道方深於鳩飾授几有緝御雖未免負衆之譏後就者徐從猶得與大夫之列 隆恩斯極振古所稀伏遇法亮

安民辭文養老嘉謨尚詢黃髮舉國無遜荒之髦休享實當明裡在家聞食泮之鹿既醉酒而飽德又沐澤而歌恩遂令垂死之臣獲荷無前之寵敢不益壯晚節盡瘁餘身尚保存道之心縱未效於寅亮竟守傾陽之性庶竊祝於恒升

銘

硯銘

介乎石君子之吉也靜而受動仁智之用也管子發揮墨卿潤色與傳斯道功載竹帛爾

固孔氏之徒也吾亦賴爾而私淑

素屏銘

素其色質之美也儉而不陋君子之衛也閑邪防逸暗不可欺終施繪事于以為資

歌謠

箴伯歌謠四章八句

天有五星為極于北於架奎壁載施之列衆惟瞻仰象垂下域○翼之箴句是乃民則公于作伯有煌金節式昭王教化以旁達○惟經與史言樹其德歷顯敷要著有聲績摛紳

之望邠國之特○蚩者蒙振之斯叢蔚彼甘棠愷悌之實勗我絃頌茲膏澤

企齋文集卷之三

